

Gjaldskrá þessi sem samin er og samþykkt af bæjarstjórn Dalvíkur staðfestist hér með samkvæmt lögum nr. 10 25. janúar 1952 um heimilishjálp í viðlögum til þess að öðlast gildi þegar í stað.

Félagsmálaráðuneytið, 21. apríl 1982.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um staðfestingu á gjaldskrá fyrir Sundlaug Akureyrar.

Hin nýja gjaldskrá er sem hér segir:

Aðgangseyrir fullorðinna	kr.	8,00
Aðgangseyrir barna	—	4,00
Gufubað	—	14,00
Sundföt	—	7,00

Auglýsing þessi birtist til eftirbreytni öllum þeim sem hlut eiga að máli.

Félagsmálaráðuneytið, 21. apríl 1982.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

um greiðslur almannatrygginga á lyfjakostnaði.

1. gr.

Greiðslur sjúkrasamlaga á lyfjakostnaði eru því aðeins heimilar samkvæmt eftirfarandi, að fyrir liggja lyfseðill læknis (tannlæknis), sem afgreiddur hefur verið í lyfjabúð eða af öðrum aðilum (læknum), sem rétt eiga eða leyfi hafa til lyfjasölu samkvæmt lyfsölulögum nr. 30 29. apríl 1963.

2. gr.

1. Sjúkrasamlög skulu greiða að fullu lyf, sem sjúklingum er nauðsynlegt að nota að staðaldri við eftirgreindum sjúkdómum, enda séu lyfin auðkennd með „100“ í gildandi lyfjaverðskrá:
 - a. Astma.
 - b. Berklaveiki.
 - c. Briskirtilsbólga, langvarandi.
 - d. Flogaveiki.
 - e. Gláka.
 - f. Hjartasjúkdómar (hjartaöng, hjartsláttartruflanir).

- g. Hýperkalcaemia.
 - h. Hýperkólesterólaemia, hýperlípópróteinaemia.
 - i. Hýpóglýkaemia.
 - j. Krabbamein.
 - k. Skjaldkirtilssjúkdómar.
 - l. Sykursýki.
 - m. Vöðvaslenufár (Myasthenia gravis).
 - n. Þvaghlaup (Diabetes inspidus).
2. Með samþykki trúnaðarlæknis samlags fyrir tiltekinn sjúkling um tiltekinn tíma, skal greiða að fullu lyf við eftirgreindum sjúkdómum, enda séu lyfin auðkennd með „B“ í lyfjaverðskrá.
- a. Eirsýki (mb. Addisonii).
 - b. Geðveiki (neuroleptika og antidepressiva).
 - c. Mergruni (anæmia perniciososa og alvarlegur fólínsýruskortur) (anæmia macrocytia Folinoparva).
 - d. Hjartaöng og hjartsláttartruflanir (beta adrenergir blokkarar).
 - e. Parkísonssjúkdómur.
 - f. Psoriasis og exem.
 - g. Acromegalia.

Við afgreiðslu slíkra lyfja skal framvísa lyfjaskirteini, sem viðkomandi sjúkrasamlag gefur út. Slíkt skirteini skal bera með sér hvaða lyf greiðast að fullu, sé þeim ávísað á nafngreindan sjúkling.

3. Með samþykki trúnaðarlæknis samlags fyrir tiltekinn sjúkling, skal greiða að fullu lyf við eftirgreindum sjúkdómi:
- a. Meðfædd efnaskiptatrúflun (fibrosis cystica (mucoviscidosis)).

Við afgreiðslu slíkra lyfja skal framvísa lyfjaskirteini, sem viðkomandi sjúkrasamlag gefur út. Slíkt skirteini skal bera með sér hvaða lyf greiðast að fullu, sé þeim ávísað á nafngreindan sjúkling.

3. gr.

Af öðrum lyfjakostnaði en um getur í 2. gr. er greiðslutilhögun svo sem hér greinir:

1. Fyrir hverja afgreiðslu (ordination) samkvæmt lyfjaverðskrá I og af innlendum sérlyfjum greiðir samlagsmaður fyrstu 20 kr., en sjúkrasamlagið það sem á vantar á fullt verð.
2. Fyrir hverja afgreiðslu (ordination) samkvæmt lyfjaverðskrá II (erlend sérlyf) greiðir samlagsmaður fyrstu 50 kr., en sjúkrasamlagið það sem á vantar á fullt verð.

Ellí- og örorkulífeyrisþegar skulu greiða hálf t. gjald, þ. e. kr. 10 og kr. 25 fyrir hverja afgreiðslu.

Sé heildarverð viðkomandi lyfs jafnt eða lægra en þau mörk, er um getur í þessari grein, greiðir samlagsmaður það verð.

4. gr.

Eftirfarandi lyf falla ekki undir skilgreiningu 2. og 3. gr., enda séu þau auðkennd með „O“ í lyfjaverðskrá:

- a. Vítamín, að undanteknum stungulyfjum, tíamíni (sbr. e-lið 2. tl. 2. gr.) níkótín-amiði og píridoxíni.
- b. Lystarhemjandi lyf og örvandi lyf (psykostimulantia).

- c. Getnaðarvarnarlyf.
- d. Lyf, sem ekki eru greind í gildandi lyfjaverðskrá, nema auglýst hafi verið sérstaklega að sjúkrasamlög taki þátt í kostnaði þeirra sbr. 5. gr.
- e. Lyf í ATC-flokki A 14 A (vefaukandi lyf) skulu merkt E,O í lyfjaverðskrá og greiðast samkv. ákvæðum 3. gr., enda framvisi sjúklingur lyfjaskirteini útgefnu af trúnaðarlækni samlags. Sé lyfjaskirteini ekki fyrir hendi tekur samlag ekki þátt í greiðslu lyfsins.

5. gr.

Heimilt er að greiða niður óskráð sérlyf, sem flutt eru inn samkvæmt undanþágu sbr. 8. gr. lyfjalaga nr. 49/1978 og fer um slíka greiðslu eftir þeim meginreglum, sem settar eru með reglugerð þessari.

Ráðuneytið gefur út skrá um slík undanþágulyf.

6. gr.

Lyfjanefnd gerir tillögur um greiðslutilhögun sérlyfja í samræmi við þær meginreglur, sem settar eru með reglugerð þessari.

7. gr.

Reglugerð þessi er sett samkvæmt heimild í lögum nr. 67/1971 um almannaþryggingar ásamt síðari breytingum og öðlast þegar gildi. Jafnframt fellur úr gildi reglugerð sama efnis nr. 289/1978 með áorðnum breytingum.

Heilbrigðis- og tryggingamálaráðuneytið, 29. apríl 1982.

Svavar Gestsson.

Páll Sigurðsson.

AUGLÝSING

um staðfestingu á breytingu á aðalskipulagi í Reykjavík
og deiliskipulagi í Laugarási.

Samkvæmt skipulagslögum nr. 19 21. maí 1964 hefur ráðuneytið hinn 16. apríl staðfest breytingu á aðalskipulagi Reykjavíkur frá 3. júlí 1967 að því er varðar breytta landnotkun í Laugarási þannig að svæði það sem ætlað var til útivistar verði ætlað fyrir íbúðabyggð og til útivistar. Jafnframt hefur ráðherra staðfest deiliskipulag íbúðasvæðisins.

Uppdráttur þessi hefur hlotið þá meðferð sem lög nr. 19 1964 gera ráð fyrir og verið samþykktur af borgarráði og skipulagsstjórn ríkisins.

Félagsmálaráðuneytið, 20. apríl 1982.

F. h. r.

Hallgrímur Dalberg.

Hólmfríður Snæbjörnsdóttir.